

**ACTA DA SESIÓN ORDINARIA REALIZADA POLA XUNTA DE GOBERNO LOCAL O DÍA 20 DE XANEIRO DE 2020.**

**PRESIDENTE:**

O alcalde, D. José Ramón Rioboo Castro

**ASISTENTES:**

D.ª Mª Guadalupe Pombo Carril  
D. Diego Antonio Taibo Monelos  
D.ª Marta Mª Figueroa Fuentes  
D. Juan Carlos Iglesias Lovelle  
D.ª Marta Mª Iglesias Becerra  
D. Carlos Liñares Gestal  
D.ª Yessica Méndez Sánchez

**INTERVENTORA MUNICIPAL:**

D.ª Vanesa García Barreiro

**SECRETARIA XERAL:**

D.ª Pilar Mª Pastor Novo

Na Casa Consistorial do Concello de Culleredo (A Coruña), sendo as trece horas e corenta minutos do día vinte de xaneiro do ano dous mil vinte, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia do Sr. alcalde-presidente, D. José Ramón Rioboo Castro, e coa asistencia dos/as Sres./as concelleiros/as D.ª Mª Guadalupe Pombo Carril, D. Diego Antonio Taibo Monelos, D.ª Marta Mª Figueroa Fuentes, D. Juan Carlos Iglesias Lovelle, D.ª Marta Mª Iglesias Becerra, D. Carlos Liñares Gestal e D.ª Yessica Méndez Sánchez.

Asiste á sesión a Sra. interventora municipal, D.ª. Vanesa García Barreiro.

Actúa como secretaria a Sra. secretaria xeral do Concello, D.ª Pilar Mª Pastor Novo.

A Presidencia, tras comprobar nos termos expostos que se dá o quórum legalmente esixido polo artigo 107 do Regulamento Orgánico Municipal (BOP núm. 162 do 16-07-2004) para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

C.I.F. P-1503100-H

**1.- APROBACIÓN DA ACTA DA SESIÓN ORDINARIA REALIZADA O DÍA 13 DE XANEIRO DE 2020.**

De conformidade co preceptuado no artigo 79.1 e 107.4 do ROM, (BOP núm. 162 do 16-07-2004) a Presidencia pregunta se existe algunha obxección ou observación á acta da sesión ordinaria celebrada o día trece de xaneiro de dous mil vinte, da que se entregou copia do borrador coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade.

Á vista do resultado da votación, declárase aprobada a acta da sesión ordinaria realizada o día 13 de xaneiro de 2020.

**2.- DACIÓNS DE CONTA.**

**2.1.- ESCRITOS E COMUNICACIÓNS. PUBLICACIÓNS OFICIAIS.**

A Presidencia dá conta aos asistentes á Xunta de Goberno Local das seguintes publicacións:

- Resolución do 15 de xaneiro de 2020, da Presidencia do Tribunal de Contas, pola que se publica o Acordo do Pleno do 19 de decembro de 2019, polo que se aproba a Instrución sobre remisión de información relativa ao exercicio de control interno das Entidades Locais. BOE núm. 15 do 17-01-2020.
- Resolución do 15 de xaneiro de 2020, da Presidencia do Tribunal de Contas, pola que se publica o Acordo do Pleno do 19 de decembro de 2019, polo que se modifica a Instrución que regula a rendición telemática da Conta Xeral das Entidades Locais e o formato da dita conta, a partir da correspondente ao exercicio 2015, aprobada por Acordo do Pleno do 26 de novembro de 2015. BOE núm. 15 do 17-01-2020.
- Resolución do 9 de decembro de 2019, da Consellería de Política Social -Dirección Xeral de Xuventude, Participación e Voluntariado, pola que se procede á publicación das subvencións concedidas en virtude da Orde do 28 de decembro de 2018, pola que se aproban as bases que rexen as subvencións destinadas ás

Código do documento	Código do expediente
<b>USG14I001X</b>	<b>USG/2020/9</b>
Código de Verificación Electrónica (COVE)	
 <b>2L0J 5W2Z 1I2S 6B3T 0RF8</b>	

entidades locais de Galicia para a posta en marcha de iniciativas locais dirixidas á xuventude durante o ano 2019, e se procede á súa convocatoria. DOG núm. 8 do 14-01-2020.

- Orde do 19 de decembro de 2019, da Vicepresidencia e Consellería de Presidencia, Administracións Públicas e Xustiza-, pola que se regulan os criterios de repartición e se establecen as bases reguladoras e a convocatoria de subvencións da liña en concorrencia non competitiva e da liña en concorrencia competitiva do Fondo de Compensación Ambiental para o ano 2020, de forma individual e mediante o sistema de xestión compartida, destinadas a entidades locais de Galicia (códigos de procedemento PR483A, PR483B, PR483C E PR483D). DOG núm. 11 do 17-01-2020.
- Anuncio do 9 de xaneiro de 2020, do Concello de Culleredo, relativo á aprobación inicial do Plan especial de dotacións para un centro docente na Ribeira, Sésamo. DOG núm. 11 do 17-01-2020.
- Anuncio do 22 de novembro de 2019, do Concello de Culleredo, relativo á delegación das funcións da alcaldía na primeira tenente de alcalde, D.<sup>a</sup> María Guadalupe Pombo Carril, os días 25, 26 e 27 de novembro de 2019. BOP núm. 9 do 15-01-2020.
- Anuncio do 19 de decembro de 2019, do Concello de Culleredo, relativo á delegación das funcións da alcaldía na primeira tenente de alcalde, D.<sup>a</sup> María Guadalupe Pombo Carril, o día 20 de decembro de 2019. BOP núm. 9 do 15-01-2020.
- Anuncio do 13 de xaneiro de 2020, do Concello de Culleredo, relativo á delegación da competencia na concelleira D.<sup>a</sup> María Guadalupe Pombo Carril para a celebración do matrimonio civil entre L.P.A. e D.M.C.M. o día 11-01-2020 ás 13.30 horas.. BOP núm. 12 do 20-01-2020.

## **2.2.- RESOLUCIÓNS E ACTIVIDADES DAS DISTINTAS CONCELLERÍAS DELEGADAS.**

2.2.1.- A Sra. Pombo Carril dá conta á Xunta de Goberno Local das seguintes resolucións emitidas pola Concellería delegada da Área de Política social, mocidade e promoción do deporte:

C.I.F. P-1503100-H

**\*TARXETA ESTACIONAMENTO conforme ao Real Decreto de 12 de decembro de 2014 polo que se regulan as condicións básicas de emisión y uso de de la tarjeta de estacionamiento para personas con discapacidad (BOE nº 309 de 23 de dicembre de 2014)**

Data da resolución	Nº resolución	TEMA	Persoa beneficiaria	Vixencia
10/01/20	10	Renovación tarxeta de estacionamento	F.R.R.	10 anos
10/01/20	11	Concesión tarxeta de estacionamento.	N.L.P.	10 anos

2.2.2.- A Sra. Méndez Sánchez dá conta á Xunta de Goberno Local da realización das seguintes actividades da Concellería delegada da Área de Participación cidadá, educación e medio rural:

### **“ EDUCACULLEREDO 2019/2020**

#### **A) ACTIVIDADE: Radio interxeracional.**

Programa: Educación para os medios.

Datas: 20 de xaneiro.

Horario: de 10:00 a 13:30 h.

Colexios participantes: CEIP Ría do Burgo.

Curso: 4ºde EP.

Código do documento	Código do expediente
<b>USG14I001X</b>	<b>USG/2020/9</b>
Código de Verificación Electrónica (COVE)	
	
2L0J 5W2Z 1I2S 6B3T 0RF8	

Nº participantes: 42.  
Lugar: biblioteca escolar.

**B) ACTIVIDADE: Coñece o teu concello.**

Programa: Educación constitucional.

Datas: 21, 22, 23 e 24 de xaneiro.

Horario: de 10:00 a 12:00 h.

Colexios participantes: CEIP Sofía Casanova, CEIP Vila de Rutis, CEIP Díaz Pardo, CEIP Ría do Burgo e CPR Andaina.

Curso: 4º EP + 3º EP (Andaina).

Nº participantes: 219.”

2.2.3.- O Sr. Iglesias Lovelle dá conta á Xunta de Goberno Local da realización das seguintes actividades da Concellería delegada da Área de Desenvolvemento local, cultura, festas e turismo:

**“ACTIVIDADES CULTURAIS**

VENRES 24 DE XANEIRO

Biblioteca Cardeso Liñares de Vilaboa. 18.30 h:

Contacontos coa Dragona Ramona: *999 irmás ras múdanse de charca.*

Nenos/as a partir de 3 anos. Entrada libre.

VENRES 24 DE XANEIRO

Aula de Natureza “Juan Lembeye” do Xardín Botánico do Burgo. 20.00 h:

Inauguración da exposición *Miradas do Imperio*, de Alfredo Erias Martínez.

Ata o 21 de marzo.”

C.I.F. P-1503100-H

2.2.4.- O Sr. Liñares Gestal dá conta á Xunta de Goberno Local das seguintes resolucións da Concellería delegada da Área de Medio ambiente, obras e servizos:

“

- Resolución núm. 15 de data do 10/01/2020, pola que se dá de baixa a licenza municipal para ocupación de vía pública concedida á 'El mercado del Burgo, SL', para mesas e cadeiras para a terraza da cafetería 'El mercado', situada na R/. Costa da Lonxa núm. 18, por cambio de titularidade.
- Resolución núm. 16 de data do 10/01/2020, pola que se dá de baixa a licenza municipal para ocupación de vía pública concedida á 'Bodaño y Pascual asociados, SL', para a terraza do café-bar 'Egomundi-Veracruz', situada na R/. Moncho Reboiras, núm. 1 – baixo.
- Resolución núm. 18 de data do 13/01/2020, pola que se dá de baixa a licenza municipal para ocupación de vía pública concedida á D.ª D. V. C. para mesas e cadeiras para a terraza da cervexería 'Alba' situada na Avda. de Galicia, núm. 26, por cambio de titularidade.”

**2.3.- SENTENZA DE DATA 27/12/2019 DO XULGADO CONTENCIOSO ADMINISTRATIVO Nº 3 DE A CORUÑA. PROCED. ABREVIADO 182/2017.**

O Sr. alcalde dá conta á Xunta de Goberno Local da dilixencia de ordenación do 27 de decembro de 2019, do Xulgado do Contencioso Administrativo núm. 3 da Coruña, no procedemento abreviado 182/2017 que redactada en castelán transcrita di:

Código do documento	Código do expediente
<b>USG14I001X</b>	<b>USG/2020/9</b>
Código de Verificación Electrónica (COVE)	
	
2L0J 5W2Z 1I2S 6B3T 0RF8	

“Recibidos los autos de la Sala de lo Contencioso-Administrativo del Tribunal Superior de Justicia de Galicia, con el oficio y certificación literal de la resolución del recurso interpuesto, así como el expediente administrativo remitido, **acuerdo:**

- Acusar recibo y poner en conocimiento de las partes la llegada de los mismos a los efectos procedentes.
- Cumplir lo dispuesto por dicho Tribunal.
- Siendo firme la sentencia dictada/o en el presente procedimiento, comunicarlo a la Administración demandada por medio de testimonio de la resolución dictada en este órgano judicial y copia de la dictada en el recurso interpuesto, para que en el plazo de DIEZ DIAS a contar desde su recepción la lleve a puro y debido efecto y practique lo que eixija el cumplimiento de las declaraciones contenidas en el fallo, debiendo en el mismo plazo acusar recibo y comunicar el órgano encargado de su cumplimiento.
- Devolver el expediente administrativo con oficio a CONCELLO DE CULLEREDO.
- Verificando lo anterior, archivar las actuaciones.”

Contra esta resolución cabe a interposición do recurso de reposición.

**2.4.- SENTENZA DE DATA 27/12/2019 DO XULGADO CONTENCIOSO ADMINISTRATIVO Nº 3 DA CORUÑA. SENTENZA 238/2019, DO PROCED. ABREVIADO 196/19.**

C.I.F. P-1503100-H

O Sr. alcalde dá conta á Xunta de Goberno Local da sentenza núm. 238/2019 do 20 de decembro de 2019, do Xulgado do Contencioso Administrativo Núm. 3 da Coruña, no procedemento abreviado 196/2019, que acorda estimar o recurso contencioso administrativo interposto pola representación procesual de INSOJA SL contra a inexecución do acordo firme do xurado de expropiación de Galicia 2014/001475 e que afecta á finca 0758302NH5905N0001YZ expropiada polo Concello de Culleredo e condena ao Concello de Culleredo ao aboamento do xustiprezo xunto cos intereses xerados seis meses despois desde a data do plan de aprobación inicial (30.03.2012) ata o momento no que se produza a satisfacción completa do principal. Impóñense custas á Administración recorrida. Contra esta sentenza cabe recurso de apelación.

**3.- ASUNTOS SOBREVIDOS.**

Non se somete ningún asunto neste punto da orde do día.

**4.- ROGOS E PREGUNTAS.**

Non se formulan.

E non existindo máis asuntos dos que tratar, a Presidencia levanta a sesión, sendo as trece horas e cincuenta minutos do mencionado día, estendéndose para a debida constancia a presente acta do que eu, secretaria xeral, dou fe.

Visto e praxe  
O alcalde-presidente  
(Asinado dixitalmente)

(Asinado dixitalmente)